

Obavještenje o obilježavanju Dana sigurnijeg interneta 10.2.2015. godine u Bosni i Hercegovini

Sarajevo, 06. februar 2015. godine

Na inicijativu Evropske komisije već niz godina u svijetu se obilježava Dan sigurnijeg interneta, a ove godine isti će se obilježiti u utorak, 10. februara 2015. godine, pod istim motom kao i prošle godine „Stvorimo bolji internet zajedno“ („Let's create a better internet together“). Uz podršku međunarodne organizacije Insafe – evropske mreže centara za sigurniji internet, Dan sigurnijeg interneta se tradicionalno obilježava u preko 100 zemalja širom svijeta.

U Bosni i Hercegovini, ovaj Dan se obilježava uspješno već petu godinu u organizaciji Komiteta za obilježavanje Dana sigurnijeg interneta BiH (SID Komitet BiH)* koji Vas ovim putem poziva da obavještavanjem šire javnosti o planiranim aktivnostima date svoj doprinos obilježavanju ovog Dana, te na ovaj način podržite napore i aktivnosti u oblasti sprečavanja zloupotrebe djece i mladih putem informacijskih i komunikacijskih tehnologija.

S obzirom na uspješno realizovanu suradnju sa školama i partnerima prethodnih godina, Dan sigurnijeg interneta u Bosni i Hercegovini će se ove i godine obilježiti u suradnji sa partnerskom nevladinom organizacijom iz regije - Centar za nestalu i zlostavljaju djeću (CNZD) iz Osijeka, Hrvatska, kroz zajedničke aktivnosti kojima će se promovirati kreiranje boljeg interneta za mlade. U te svrhe, SID Komitet BiH i CNZD realizirati će **online takmičenje za djecu osnovnih škola od V do IX razreda širom BiH i Hrvatske** na temu sigurnosti na internetu. Takmičenje će se realizirati **dana 10. februara 2015. godine u periodu od 09:00 do 17:00 sati** u formi online kviza sa pitanjima vezanim za sigurno korištenje interneta, koji će biti dostupan na web stranici www.boljiinternet2015.com posebno kreiranoj u cilju realizacije ovih aktivnosti. Kviz je aktivan samo 10. februara – na dan obilježavanja SID-a, a odgovore na pitanja djeca mogu pronaći na njima poznatom BiH web portalu za sigurno korištenje interneta www.sigurnodijete.ba. Pobjednici će biti nagrađeni adekvatnim nagradama – uređajima kao što su pametni telefon ili foto aparat.

Uputstvo za djecu:

Stvorimo bolji internet zajedno!

Djeco, pridružite nam se i osvojite vrijedne nagrade!

Šta trebam uraditi?

- 1) posjetiti web stranicu www.sigurnodijete.ba i upoznati se sa sigurnim korištenjem interneta;
- 2) dana 10. februar 2015. godine od 09:00 - 17:00 sati registrirati se na web stranicu www.boljiinternet2015.com;
- 3) riješiti kviz pitanja o sigurnom korištenju interneta;
- 4) osvojiti jednu od vrijednih nagrada: pametni telefon ili foto aparat!

* **SID (Safer Internet Day) Komitet BiH** je tijelo formirano 2011. godine s ciljem realizacije preventivnih i promotivnih aktivnosti na zaštiti djece i mladih pri korištenju informacijskih i komunikacijskih tehnologija, a u suradnji sa međunarodnom organizacijom

Insafe - evropskom mrežom centara za podizanje svijesti i promociju sigurnog i odgovornog korištenja interneta i mobilnih uređaja među djecom i mladima. Komitetom predsjedava *Državni koordinator za borbu protiv trgovine ljudima*, a članovi su predstavnici Regulatorne agencije za komunikacije BiH, Udruženja Međunarodni forum solidarnosti – EMMAUS, Save the Children, OneWorldSEE, Microsoft-a. Obilježavanje Dana sigurnijeg interneta je samo jedna u nizu aktivnosti koje ove organizacije zajednički i pojedinačno provode s ciljem upoznavanja djece i roditelja o rizicima koje internet nosi, te kako se adekvatno zaštititi od istih.

Za više informacija kontaktirajte: Međunarodni forum solidarnosti – EMMAUS

Tel: 033 263 385; Fax: 033 263 386; e-mail: sarajevo@mfs-emmaus.ba